

乾隆五十八年新年鑄

武林王蔭庭編輯

# 刑錢必覽


附錢穀備要

本衙藏板  
翻刻必究

美錦不使學製射貫方可獲禽親民官以賢能士任  
之斯克善政令勤撫字寬嚴並濟百姓蒙庥自昔傳  
三異歌五袴尚矣方今

漢文庫

聖天子德教覃敷民登化域在位皆循良才智豈尚慮治  
政有或闕也哉著刑錢書將使何人覽雖然典謨不  
因世治而不存刑法不因人善而不立一州一邑政  
教有先後風俗有澆淳閭閻有貧富胥役有勤怠倉  
儲出入以時荒政遺濫宜慎公牘之向定章程不可



刑錢必覽 序

一

錯緝捕之功過賞罰必須明獄訟戒拘執律例聽斷  
要曲順輿情催科或應急應緩禁令或宜革宜因與  
夫祭祀學校兵農禮樂在在關守令心竊恐織錦天  
機不免亂絲無緒穿揚妙技有時登御失馳惟其為  
賢父母則事事要在規矩中入幕者引繩墨之人更  
不容不受範於此予習申韓學三十餘年矣膺當道  
聘閱歷多處辦刑錢事費盡經營著成政治一書於  
刑名錢穀災賑交盤事宜備載無遺不敢師心自用

質諸高明鑒定開雕公世譬之胥吏呈須知册豈非  
官幕所必覽也哉就已成之規布必行之政將見措  
施中的保赤子而無待誠求製錦有成本賢才而益  
臻郵治識塗之馬不有其功也

乾隆五十八年歲在癸丑正月下浣武林王又槐書  
於庭經書屋



刑錢必覽卷一目錄

武林王又槐蔭庭編輯

廣陵羅允綏務樵

同弟又梧鳳偕恭訂

興後學陸天墀階平校字

案畧

叙供

辦理詳案章程

彙辦案件成法

命案

相驗檢驗

刑錢必覽卷一

廣陵羅允綬系蘇維

武林王槐蔭庭編輯

同弟 又梧鳳借 恭訂

吳興後學陸五堉階平校字

案畧

一凡應擬罪名各犯到案先須問明年歲籍貫及作何生理有籍貫可以知其來歷有年歲可以知其強弱且老幼例得收贖再親老丁單例應

留養其祖父母父母年歲有無次丁亦須遵例於初訊時問明入詳以杜日後捏飾

一問一人必首先標出此是何樣人使人一見便知如保正某人隣佑某人之類供內聲明小的該管某都某圖小的某某是左隣某人是右隣不可又云小的是保正小的是鄰佑也

一前後年月如何轉折後又於何年月日如何起衅所有逐層年月日期乃案中眉目不可不清不得混稱去年本年以及本月本日前日等字以致混淆

一道里遠近須先問明如某人至某人村中若干里某人至某人死處若千里凡有關係者俱應于人犯到案時逐一訊明以便核其情節似非緊要而其實乃緊要處也

一口供要確無論姦盜詐偽皆有一種真情口供真則順理成章自然可聽口供假則左遮右掩

必多支離缺漏總在情理二字細心體認無有  
不得之者倘人犯口供全不在情理之內卽爲  
不確初供旣實覆訊自不翻異前後一律卽可  
成招

一情節要明情者兩造起衅之由也節者此事先  
後之層次也凡問一人口供則此人供內卽應  
將此事如何起中間如何轉末後如何止挨順  
層次步步究明雖幾次審問叙作一供從頭至

尾看去一目了然不可遺漏不可顛倒方爲妥  
協

一情形要合情者彼此之情事也形者當日之形  
象也如盜案則有預先如何商謀如何上盜犯  
風如何入門進院入室搜賍如何運賍出水變  
分如命案則有當日如何相爭何人先打執何  
器械是時因何持此兇器是否有意攜帶行兇  
或拳毆腳踢先打何處後打何處何人最後下

手對面相毆傷多在左其人慣用左手者傷多在右若或旁或後擊折則又不拘左右又如謀殺則當日如何預先蓄謀如何動手故殺則如何臨時頓起殺機此皆所謂形也說來酷肖情形合則信案成情形不合則駁詰至矣

一針線要清針線者卽上所謂情節情形等類是也一人如此供人人亦如此供不可互異如針線之縫衣任其橫直路數碧清無不貫串口供亦猶是也任其入之多寡事之繁雜必使人人口供俱同若案內人多又不可照供畫一順敘須將各人地位不同之處逐細敘明大段情節仍復絲絲入扣前後年月層次絲毫不亂如此則全案口供自然一氣呵成矣

一來路要明如從前並無此人後忽添出並不敘明到案緣由此皆招書疎忽混敘之故必將何人供出如何查出隨卽差拏到案之處或于供



前補出或于他處點明方不突如其來

一過橋要清凡事先是如此後則如彼若兇犯先已脫逃後經拿獲一段必要過至現今審訊又如前官離任後官接審從彼而過此敘案時及看語內皆要聲敘清楚將其來踪去跡說得明白不可含糊疎漏如行人之過橋魚貫而進令旁觀者了然于目中也

一叙次要順如命案則先敘屍親盜案則先叙事主姦拐贖案則先敘原告次地保次隣証及輕罪人犯末則最重之犯此常格也然內中有先後深知之要証先後經手之要犯必須于地保鄰証之後將此人之供細敘明提綱絜領然後各犯照此人之供各自分認方有眉目此全在能事者之臨時權變也

一問一人必須將問字抬高一字則閱者易明  
一通報後有案內人犯病故不論曾否奉批須相

驗明白取具格結并刑書禁卒人等並無陵虐  
致死口供通報至成抬時再於看內聲明若斬  
絞立決及新案秋審人犯病斃則須立時通報  
委員驗詳照新例辦理

一凡有應敘前任者將姓名敘出不可止云某前  
令某署令上司則敘明衙門某姓不可槩云某  
憲縣名全寫不可云某邑

一文稟年月之下俱填小日具稟事件若無副稟  
則于紅稟銜名下註明事由以便批發備查

敘供

一 辦案全在敘供由淺入深由遠至近說得明白  
顯易不可用文飾語其挨叙之法孰先孰後有  
天然次序一線穿成具啣接脫卸之妙  
一 萬事胚胎皆由州縣大案初報洵爲生死出入  
關頭每有一二供詞不會洗刷乾淨一經通報  
有案上司卽欲補救亦束手無策矣  
一 供詞須近情理若非情理再要推問開導使之

吐露真情切不可裝點情節以致不成信讞然  
間有主腦已得而犯証執定覺輾轉支吾情形  
不合者則又當削正而開導之必欲令犯人供  
証歸於一律始免駁詰

一審詳之案初供不加問語正審始有詰問及有  
覆審情節始加問語亦只須彙總詰訊一二層  
不可零星冗雜凡衆犯同一問語者并敘于前  
下則臚列各供不必逐名叙問語或只用詰供  
二字各犯口供同者止云某人供同或稱某某  
同供云云

一事主報盜例許到官聽審一次認賊一次皆應  
敘供竊盜大案勘驗以及認賊必當堂訊明取  
供不可但據捕稟稱事主認領惟小竊案件可  
不拘耳

一積匪案件要一人供各案不可一案敘各供  
一大案正審只取正犯要証口供其保隣屍親醫

刑金少覽 卷一  
生及無關係要之人只聲明與前審各供無異  
不復冗敘一語無煩贅及也

一命盜大案府轉全敘縣招供看府不敘供如司  
駁府覆審全敘縣供看及司駁并敘府供看及  
到咨部招內刪去府看只敘府審供看無異等  
語卽加司看若駁審之案縣詳敘明駁詰緣由  
備敘供看申府府用覆審無異四字加看申司  
不再敘供倘其中有情節互異必須挑剔清楚  
者又不可不敘府供總在簡要不可繁冗

一凡審詳案件情虛之人必取輸服供詞方可定  
案詳結然刁健者每不肯輸服應隨詞指斥層  
層剖辨方敘輸服之供如不駁詰卽敘實供反  
似捏飾矣

一瘋病人犯之供最難敘大約含糊錯落所對非  
所問或有問而無供者若清朗有頭緒便非真  
瘋亦有瘋病時發時止審訊時適當病愈供詞

清楚不能拘定總之供須實敘不可假捏始無後悔

一供看不符供不周到或游移不實前後情節不對皆干駁詰供詞無情理者雖執有確據亦應駁詰必將不入情理之處聲明始釋疑實有謂供須簡省不必多用聲說此大謬也又有供詞含混不得行詰明又有指告確鑿而証佐不認事屬兩歧不得不加詰正摠之顛撲不破者

原不致駁即遇庸手混駁亦能站得穩頂得住不必以駁飭為嫌也

一案內正審要推進一步者應加詰問如鬪殺者詰其是否有心欲殺自盡者詰其有無威逼盜案詰其有無窩夥及竊劫別案之類皆要演成片段若一問一答三五句一問一答并初報即加詰問者皆不知體裁者也

一審理一切案件應將實在情由究審明確敘詳

時緊關情節不可增損一字倘不將實情究出或已究出而任聽書吏混叙不加覆核稍有異同易起刁徒翻供翻告之弊惟無關緊要處宜簡不宜繁其支蔓之詞不妨刪削耳

一大案詳報不離初呈供情皆與呈內針對其餘支離繁雜之呈及催審續增情節槩不宜敘入全以審供定其是非供詞取其真確歸于簡要毋許游移兩可及牽涉他事自取纏繞其有供

在閒冷處却可為本案對照引証或補綴情節者亦不可刪抹

一犯有幾名者先敘明某人即某人以後則止敘本姓名不必處處重敘不可既敘本名忽又叙別名并音同字異者切勿隨手混寫以致先後訛錯惟逸犯未獲應勒緝者將本姓名及排行混名一一敘入以便訪緝看內有緝獲另結之犯應逐一點出并照新例敘明應擬何罪之犯



不可但稱某人等緝獲另結也  
一同姓者伯叔兄弟有服無服俱確切供出是伯  
是叔孰兄孰弟有何服制不可但稱是叔姪是  
弟兄

辦理詳案章程

一錄供務期簡明切當一切繁詞冗節並非起衅  
根由無關案中情節者供內不必敘入致滋日  
後牽連株累之端見証祇一二真知灼見之人  
隣佑祇須左右緊隣錄取初供情取其實詞取  
其簡一切問語概從節省至人犯到案不肯真  
供必待再三鞫訊始供認者悉遵撫憲檄飭  
止敘審認之供以省繁冗倘人犯狡猾或案涉



疑似非駁詰不明者仍行備細聲敘以憑查核其復審詳內一切並無罪名之人及強盜供認贓物所供與初審同者亦祇開與初審無異無庸重複鋪敘若鞫出別情又當逐一實敘不可苟簡了事

一發覺報詞爲通案權輿尤貴簡明切實從來難結之案半由報詞不實而起如命案祇須敘明起衅根由傷痕兇器不過三言兩語可盡其一

人致死一人者應專指控正兇共毆致死者亦祇許指明實在共毆之人不得牽扯案外情節株累無辜該州縣於據報時立喚保隣屍屬訊明實在情形并將如有捏報情節拖累無辜若不據實更正水落石出罪應反坐之處剴切曉諭切實呈報則屍親自不敢聽唆誣妄但不可執持已見私行抑勒致刁徒得以藉口

一鬪毆命案例載于相驗時將兇犯有無祖父母

父母老疾及該犯是否獨子訊証明確一並詳報定案時如應留養再行取結若到案時非例應留養之人及成招時其祖父母父母已成老疾或兄弟子姪死亡仍一體援例留養又如例應留養人犯應訊明被殺之人有無父母是否獨子應發新疆人犯應訊明有無妻室其妻有無殘廢疾病并有無老疾祖父母父母賴以侍養逐一敘明至孀婦獨子有犯戲殺悞殺等案

如伊母守節已逾二十年及鬪毆殺人審無謀故別情該犯之母守節已逾二十年而又年逾五十歲者均例應查明被殺之人如非獨子取結留養難容率混各州縣凡於此等案件務於初報文內詳訊明確不使掛漏如係他省民人獲罪例應留養者須將是否官役奉差客商貿易逐一敘明一面移查取結以便於成招時確核情罪隨招聲敘均毋遺漏以免駁查往返致

滋延悞

一命案驗屍最關緊要地方官相驗時務須依法留心體認由仰面頂心至合面十趾甲縫按照屍格逐一登填驗有傷痕即將長濶深淺圍圓分寸青紅紫赤黑黯顏色金石竹木及手足他物痕跡并砍傷毆踢磕擦致傷之處查明是否致命部位比對傷仗符合與否逐層逐節填註明白如係蹬踢致死者須取兇犯所穿鞋靴比

對其無傷處所統括以餘無別故一語至兇犯餘人及勸証亦被毆傷均須逐一驗明生傷亦註明係何械致傷若殺死無名身屍查明週身服色及地上有無血跡自何處起至何處止其有原毆傷輕不至於死越數日後因傷風死者細心驗明手足是否拘攣口內有無涎沫流出面貌身體曾否發腫有無角弓反張形狀傷處於何日結痂又因何復致傷風曾否延醫調治

訊明醫生人等口供逐一敘明或所驗傷形與屍親原報不符卽當場詰正倘不輸服令指出再驗以杜日後刁翻其有兇器不獲者亦卽聲明備查他如謀殺之案毋論勒死溺死毒死其察驗傷痕推勘確切情形均須一例辦理不得稍留疑竇

一命案謀故鬪毆起衅造意報詞爲通案緊要關鍵當場應卽究質明確如事起因姦情涉曖昧

尤易捏飾務卽究出切實憑証及親隣切供事關服制倫紀攸繫更當究明起意下手確情不得以無心架格誤致殺傷等詞曲爲開脫繪具宗圖隨詳通送又但經調戲本婦羞忿自盡之案間有事隔數日另因別故短見輕生屍親輒以從前調戲之事具控罪名生死攸關尤應卽時虛衷鞠實再謀命案內有因殺人後見財取匿者須究明挾何仇隙果否並無圖財之心務

使供證明確他如捕役妄拏致死及事主獲賊不拒捕而擅殺須究明死者是否賊匪有無確憑叙明詳報不得疎漏含混

一誘拐嫁賣等案內不知情之買主牙保并竊案內不知情之買贓人及一切被害應省釋寧家者并賭博案內並未拏獲牌骰有據者經登奉憲檄不得拖累此又不僅期于叙供簡明直可不必重複喚訊擾累無辜

一相驗之時尤須不避臭穢逐處細看使件作不敢欺朦作弊

一犯人到案或收監或差押或發保均須于詳內備細聲敘不得用某人等分別羈保字樣至訪拏命案必將如何訪聞緣由詳細敘明

一往驗自縊命案上吊情形自縊處所脚離地若干繩長若于是否可以自行上吊務必驗明敘入詳內便于察核不可草率致干嚴飭

一通報命案往往先取屍親甘結隨詳附送如屍親不允具結輒遷延不報所辦殊未允洽蓋父兄伯叔被毆致斃為人子弟者心有不忍焉肯遽行出結摠須速往相驗確取隣保証佐的供與正寃供情符合即可據以通報不在屍親之有無甘結也

報劫竊搶奪事件拘犯到案必須訊取確供或係強劫或係搶奪或係竊盜或係臨時行強或係追逐拒捕或係護贓格鬪分別敘明通報切勿草率出詳若一草率含混將來更正殊多掣肘

積匪猾賊案數情節與例相符即當辦理不必姑息養奸

初犯竊賊必須交保嚴加管束如有再犯應將原保照例治罪

犯人須敘的實姓名不得混敘張三李四及其

鬚子某鬚鬚之類設有脫逃並無的名憑何偵  
 緝如一犯而有數名及混名者須於開首處訊  
 明其人又名某某又混名某某以下則叙的實  
 姓名不可又夾敘混名及音同字異牽混訛錯  
 看語內問罪處敘明其人即某人又即某人以  
 便查核

一詳內所稱隨母改嫁之子謂之舊子殊不可解  
 應改稱前夫之子再父續娶之妻曰繼母承嗣

之父母稱嗣父母或稱承繼父母至偶爾拜認  
 之父母並非承嗣者止可稱乾父乾母不得稱  
 繼父繼母

一服制攸關罪名輕重務於原被及族長供內切  
 實敘明不得混稱二服三服四服等字情有開  
 期功總麻服者開宗圖隨招送查

一積匪猾賊分案辦理者其從重定罪本案口供  
 後須將其餘所竊各案行竊年月日期事主住

址姓名及贓數逐一摘敘看語亦然

一犯人年老應收贖者須查取被告及族長供結如無被告族長者取隣保供結不得止憑本犯之供卽予收贖致辦理不善

一奉批查案之件須將卷內前後審過案情各供逐一檢齊挨次年月整齊粘連用印鈐縫一切催審保狀催稿無關緊要之呈稟悉行抽去其供後無斷語者卽照添入摠要簡淨方妥

彙辦案件成法

江南蘇州府審辦盜犯高六等竊劫江浙兩省二十九案每案卽敘簡招亦有稽時日并海州亦有被劫之案飛調到蘇亦須半月一案未齊卽難彙總經蘇府薩 稟請將被劫各案報勘之後單敘盜首簡明全供案內夥犯惟殺人拒捕捆縛按捺傷主緣由摘敘本犯確供其餘各犯但稱某某各供與盜首某人供同後敘擬罪小



看聲明俟各案審明從重歸結贓冊另行造送  
各州縣逐案移送元和縣並送府查明逐案轉  
送司俟案齊之日府敘一全看分別臬決可原  
呈請奏報奉 蘇撫院陳 批近准刑部咨文  
盜犯連劫數案者止須將一家具題其餘虛擬  
罪名聲明歸於某案完結者止須抄案聲明毋  
庸具題此案又可不拘逐案咨部之例向來每  
案首夥每盜俱將起意糾夥上盜劫贓俵分及  
贓物變存逐名重複填敘原屬冗文此番審辦  
據稟甚是各縣送齊之後該府又不必全敘人  
招止須查明某某等案係同一盜首則於盜首  
供內摘敘其年月日糾夥某某行劫某處劫得  
何贓如何俵分又於某月日糾夥某某照上摘  
敘逐案總敘而各案夥盜有殺人拒捕捆按傷  
主者亦各摘敘餘亦括以與首盜供同一句其  
浙省之案亦一體敘入各案敘完加以總看其

各縣所送供看及贓冊由司彙送總冊二本隨  
招送部至各盜供認之案雖多止以有事主者  
為準此外無事主出認者不必冗入蓋既無事  
主難以定案非為減少案件起見也又浙江各  
縣之案現只委嘉興縣赴審江省如海州等遠  
處亦可令元和等縣代審若原無事主報案則  
竟刪除可也府看與嘉興府會銜司中轉院親  
勘定稿亦與浙江撫部院會銜具題 臬司崔

批各竊案內審係臨時行強入室逞兇拒捕  
者自應彙案敘轉如止鼠竊即分別審明另詳  
完結不必彙敘入案致滋糾纏

湖北武昌府嘉魚縣民孫之儷赴部控爭沙洲一  
案共有一百一十四案委漢陽縣會同嘉魚縣  
勘詳併案審辦核一總看提出綱領敘清段落  
總斷罪名其餘各案彙造一冊每案加一小看  
隨詳附送咨部完結此辦理彙案之法總在斷



制剪裁能有把握方爲合式

命案

一報到命案卽照詞內所開原被証佐姓名差拘  
候訊追起兇器一面卽親往驗訊乘原被不及  
商謀易得直情之際先問屍親因何起衅何人  
用何物致傷何處共有幾人幾傷何人親見次  
問于証是否真情再問被告是否相符取有口  
供然後對衆相驗有與供詞不符及傷仗不確  
者卽與辨明填註屍格封釘屍棺將正兇帶回

刑錄卷之十一  
刑錄卷之十一  
收禁于連有罪之人押帶餘俱分別保釋如情  
節倘未周匝回署後覆審明確將報呈及驗訊  
口供核定備具屍格先行通報初報須簡淨周  
匝覆訊時只須備錄犯供餘俱以訊與前供無  
異不復重敘一語括之有謂初報須簡淨活動  
者此庸劣之言也若有未到案犯卽速差捉補  
訊一面卽照前審情由覆訊定案不必拘定分  
限府詳批到便可成招起解

一相驗不速恐屍變而顏色難辨未免移易輕重  
增減傷痕且初驗若不切實雖覆檢亦未必的  
確至檢骨尤爲極慘之事非萬不獲已不可輕  
舉總之驗屍迅速又復詳細日後自無翻變若  
印官公出代行衙門卽飛請隣邑代驗

一呈報毆打傷重例不擡驗卽輕騎前往同原被  
証佐驗明圓長斜正分寸青紅紫赤黑黯顏色  
係何物所傷是否致命其傷處包裹難量分寸

刑錄卷之十一 刑部律考  
一保辜例載限內限外罪名輕重攸分律稱曰者  
生莫大陰功也  
應驗良藥外敷內服驗傷時發給可以起死回  
驗傷飭醫庸醫必無好藥地方官應預備救急  
拖累必質之在場見証供傷符合方可定案至  
係活口初供可以憑信然亦有懷恨妄扳計圖  
者不可輕易揭動以致傷風確訊起衅根由實  
係何人所毆明白立案取具保辜責令醫治此

係活口初供可以憑信然亦有懷恨妄扳計圖  
者不可輕易揭動以致傷風確訊起衅根由實  
係何人所毆明白立案取具保辜責令醫治此  
拖累必質之在場見証供傷符合方可定案至  
驗傷飭醫庸醫必無好藥地方官應預備救急  
應驗良藥外敷內服驗傷時發給可以起死回  
生莫大陰功也  
一保辜例載限內限外罪名輕重攸分律稱曰者  
以百刻今時憲書計九十六刻時刻之間最看  
關係是以驗傷時卽確訊何時刻致傷卽於保  
辜狀內分別証明某日某時刻手足他物金刃  
等傷死後相驗亦應訊明何時刻身死倘逾限  
一刻卽爲限外應文內聲明以便分別議罪此  
舊說也然刻數難定且相距在毫釐之間屍親  
必以此爭執上司必以此駁詰案難決斷不若  
計時爲妙其中權衡是在仁人君子之用心矣

一地方報呈止令開明某人被毆身死及病死淹死縊死字樣不許混開別語屍親報呈最要明淨其起衅情由及案內証佐人等俱於報呈內點明則錄敘各供皆有根源來路至地保之呈只以報同前由一語帶過不必全敘

一攔詞不可濫准蓋死于非命必須驗究未便聽其賄和如原無別故即先行妄告後吐真情亦應問杖八十更有初呈即攔詞免驗者亦不可

准恐未經驗明別有屍屬出頭控告屍久難驗便覺棘手又有雖遞呈攔驗或因屍親年幼婦女無知勒令具呈及朦蔽捏詞者不可不加意查察

一命案內病斃等項並未報官私自掩埋者或經訪聞或屍親告發如審係被毆身死應先開棺驗明屍傷如身死日久腐爛無從相驗即敘明兇犯証佐各供通詳請檢如審訊雖無他故屍



親堅供不服宜令屍親指明傷痕器械取具請  
驗切供甘結然後驗屍有傷者究明正兇詳報  
無傷者將驗明緣由詳報坐誣如死者年久無  
從相驗而屍親忽行翻告應訊取切實供結詳  
請開檢一面將屍棺封固交保看守俟批准開  
檢若已經掩埋亦應標記看守

一殺姦之家相驗時須察看情形如登時殺死者  
或正行姦之際及姦甫畢或姦畢同宿屍必裸  
體卽聞捕驚覺而起亦止披衣其殺必在臥房  
內外勘明地上有無血跡查問鄰佑有無見聞  
蓋捉姦殺姦有倉卒撞遇有畏兇預糾約捕姦  
天姦婦當此生死交關必有聲張拒敵等事鄰  
人斷無不知卽平日有無姦情亦難掩鄰人耳  
目悉心体究真偽立見至於已就拘執而擅殺  
更難瞞鄰人此間罪名輕重懸殊不可不察應  
反覆開導毋使鄰人畏累不供此等案件尤防

有縱姦更恐有帮同下手之人均須詰清免干  
馭飭

相驗檢驗

一凡相驗填註屍傷須先查受傷部位如何寬大  
再查傷痕分寸如果部位寬闊相符則填註自  
無錯誤若傷痕寬闊而受傷地步較小此傷必  
接連他處如耳根部位僅止數分若受傷至一  
寸有餘自必接連腮腋等處須聲明耳根連腮  
腋長若干字樣

一詳文內敘明屍傷應照部頒屍格聲明致命某



處某傷長濶分寸顏色不致命某處某傷長濶  
分寸顏色不得但稱某處某傷而不照寫致命  
不致命惟無傷之處又不必聲明致命不致命  
也其有生前瘡杖舊痕或死後別傷亦須填明  
至於屍格內偏左偏右專指頂心左右言其餘  
左右不得加以偏字又屍格內雖分仰面合面  
若仰面耳竅與合面耳根為一拳所傷只須於  
仰面耳竅格下填註連合面耳根拳傷一處圍  
圓若干分寸是何顏色而於合面耳根格下止  
開明毆傷已填註耳竅下至敘完屍傷之後點  
出委係因何身死一語最宜詳慎不可率填致  
有出入

一生前死後所驗傷痕長寬分寸不同蓋生前只  
據受傷發現喝報迨調養幾日傷輕處結痂收  
斂覆驗時分寸自然短小總以死後所驗為憑  
一相驗婦女屍屍親求免驗下身者詳內即敘脫

去上身衣服據該屍親回稱下身查明並無別故求免脫下衣等情隨取甘結附卷准其免脫

下衣相驗

一傷之情形洗冤錄載他物打着其痕卽斜長棍棒毆殺傷痕亦斜長等語但用臂橫擊亦成斜長磕跌石稜亦成斜長不可盡執他物棍棒也又載拳打圍圓又云不盡圍圓而圍圓居多等語但以物直撞形亦圍圓不盡係拳傷也又載

磕傷其痕方圓等語又須審其磕於何物之上磕於身上何處斜長方圓俱有不可執一也至於傷之輕重色之深淺乃毆打有用力不同失足碰跌高下互異所當詳細究驗比對也

一相驗稍遲屍身發變便無確憑發變似乎傷痕須以手指按之堅實者傷痕也生前受傷血氣凝滯所致若鬆浮者發變也又有滴水聚散之辨其法詳載洗冤錄并有縊死血墜如火炙痕

者當場與屍親指示明白庶免日後混告

一昏夜被殺暴露之屍見証無人仇盜未明應驗  
明屍傷詳報以發覺之日起限緝兇一面密速  
訪拏兇犯其屍身之地主及附近居民地方官  
或因住屋相近及路過慌張形跡可疑之人卽  
加鞫究又或差役畏比將流丐賄囑妄認皆須  
察訊苟無確據卽行省釋若訪獲正兇便須詳  
問致死根由并兇殺情形追取兇械細對傷痕  
有贓者追出正贓毫無疑竇而後定案切勿刑  
逼成招致滋冤濫此等致殺之由不外姦盜仇  
三項察得實情務卽多方購捕不難弋獲稍緩  
則無及矣若係姦仇較盜尤易獲蓋其人必不  
遠而事屬有根可以訪緝也

一路死無名身屍須將死者約年若干面貌疤痕  
及所穿衣履等顏色式樣并攜帶物件逐一叙  
八文內衣帽等隨身入棺遺物貯庫示召屍親

認領若有屍親取具認供甘結領狀通詳給與領埋若詳後認領只須取供備案毋庸再詳

一驗報受傷路死或無傷而被禽犬殘毀者要先看屍旁有無腳跡血跡及衣帽有無血跡如有腳跡血跡卽跟尋跡所由來并傷痕內齒痕禽喙痕之類如有形跡叙於仵作喝報之前如有屍親認領須說明所供年貌衣服并遺物是否相同若不相伴不得遽准給領以仿垂涎遺物

冒認至訊明無悞卽可悉心推問以訪兇手踪跡

一檢驗自縊與被勒被搭者頂心及左右骨有血暈或又云縊死者無血暈縊死者手足俱垂血氣凝注牙齒手指尖骨俱帶赤色或血氣墜下不均則十指赤白不同若俱白色非縊色也被勒者必有制縛磕碰等傷或牙齒脫落指尖骨白色無血暈自縊者如將帶先繫項然後登高

一凡驗傷風致死有一定情形如口眼喎斜牙關緊閉傷處浮腫手足拘攣若報文內但稱因風身死而受風形狀全不聲說必干駁詰或云傷在頭面者頭面必腫手足必拘攣傷在肢體者傷處浮腫手足不拘攣然無論何處傷風其項必腫此乃載在醫書者初報時將傷痕備細聲明并取醫生切供可免日後游移又醫宗金鑑註風毒內蘊不發於外瘡口燥起白痂瘡不甚腫

一凡自縊有傷痕可疑者先驗其地位及縊處高低審度情勢是否自行上吊其屍旁有無腳跡及墊脚何物

一凡驗傷風致死有一定情形如口眼喎斜牙關緊閉傷處浮腫手足拘攣若報文內但稱因風身死而受風形狀全不聲說必干駁詰或云傷在頭面者頭面必腫手足必拘攣傷在肢體者傷處浮腫手足不拘攣然無論何處傷風其項必腫此乃載在醫書者初報時將傷痕備細聲明并取醫生切供可免日後游移又醫宗金鑑註風毒內蘊不發於外瘡口燥起白痂瘡不甚腫

一驗服毒者當究明毒自何來若買自藥店應問

是否知情查明有無餘剩毒藥并取驗盛藥器  
皿以定虛實

一痧脹死者面青色或身亦青色心坎兩肋有紫  
紅痧斑兩脇有青筋生前用針刺入無血流  
出若十指甲青黯色面青黑色或是服毒非盡  
痧脹也洗冤錄載痧脹及陰症不治者手足指  
甲皆青黯或青紫甚則頭面及遍身紫黯因其  
血敗積而成色故也若案涉疑誤須用洗冤錄

銀針試探及蒸飯等法

一洗冤錄載服銀鈎死檢驗傷痕法各書中俱無  
載等語曾見友人書載如臬縣民馮廷選用銀  
鈎二錢毒死劉瑞生一案事發檢驗頤門各骨  
傷於砒毒無異惟不全黑但紅黑而起霉斑耳  
一洗冤錄載小腹受傷亦與腎囊傷同等語曾見  
友人書內載山陰縣民被人毆傷小腹殞命檢  
骨並無傷痕惟訊係毆後小便黃色凝結如脂

相驗檢驗

語

耳

一乾隆五年婺源縣李歡之妻俞氏服嵐莽草越三日身死驗止唇口青色起炮部駁與洗冤錄所載情形不符覆審嵐莽草本有二種一係樹本一係蔓藤質既有別而性未必無異况春夏長發之時毒必深重若值秋冬凋零僅存枯槁毒必減輕查俞氏採食乃係木本又在深冬雖能傷人其毒必輕故無唇裂齒齧流血等狀題覆完結是凡草本之毒因時而稍有不同揆諸情理既真雖或與成書有別究

一曾與友人辨論中砒毒有與洗冤錄畧別者若但服砒自必如洗冤錄載若以砒逸和食物服而死者亦有周身不盡發小炮七竅不盡出血其餘則如洗冤錄又云凡將石灰袋悶人死者頂骨必裂碎用濕紙或別物悶人死者頂骨必有紅色腦後脚踝脚跟各骨亦必有擦挺撞等

傷色又云吞金死者骨必黃又云曾見將人糞門用秤梗通入而死者驗得兩眼胞噴起兩手腳趾俱拳縮大腸拖出四五分有血流出更曾檢過此等死者屍骨周身之骨無傷可驗惟頂骨有十字破紋路紅色等語皆具有至理

一應抵命案棺殮未久徑行開驗若殮埋日久屍身諒已腐爛兩造供詞不符或供情已確而傷痕未明者取結通詳請檢其雖有傷痕罪非應抵毋得概行請檢致死者有蒸刷之慘也

一檢骨自有格式與屍格不同凡檢骨及相驗遇有屍傷疑實應取件作口供入詳將疑實緣由及洗冤錄証據逐一供明庶免駁詰又必須先訪查隣封諳練老成明于檢骨之件作臨時關取多給盤費一面詳明移提件作于開檢之日起限仍俟件作到時闕防內署以免原被賄囑之弊



一凡日久檢骨拳毆者骨傷如豆大木器毆者骨傷如線鉄器毆者骨傷比木器散大磚石毆者骨傷尖小脚踏者骨傷如半月樣尖斜又開骨傷難量分寸蓋初檢痕細再蒸一次傷痕又大不若不量恐覆檢與初報不符反生疑竇也再凡人平日未免有磕碰鬪損傷痕必於未檢之先訊明

一洗冤錄載男子骨白婦人骨黑等語蓋婦人按月行經血係流散故骨黑耳若天癸未至其骨仍白再人身心頭排子骨兩面俱黃黑色蓋心處聚血故黃黑光澤勿疑爲傷勿疑爲毒若被傷則有紅色若中毒則色黑暗或有裂損紋痕又當詳審也

一洗冤錄載父母骨在他處子女欲相認令其身上刺出血滴骨上親生者則血入骨非則否等語既云滴骨則不論何處之骨可滴矣但骨有

新久或風雨剝蝕其上每有油脂膠粘或用刀割白或用新布拭淨微火烘暖將血刺滴骨上若沁入則有紅瘡可見也又載滴骨之法孫亦可以驗祖至夫婦各一父母原非一體之分滴血豈能或受等語於理固然但合血法註有夫妻字樣查康熙五十年吳縣徐於清同周大毆紹興陳明賢落水致死日後獲屍已爛隨檢骨滴血令屍妻屍女並刺血滴上女血沁入妻血凝聚不流徐於清尙未伏辜詞辨及令徐刺血滴上竟流去不存犯乃服蓋夫妻情所交感雖不沁入亦凝而不流理也錄此以廣誌識滴血之法用磁碗一隻洗淨先放清水然後將兩人之血同時一齊滴入如係親人二血交融不散否則不能結聚又有作弊之法如水內用白礬少許卽非親人其血自能融聚若水內用青油一匙卽果係親人亦各自滾開不聚

刑錢必覽

卷一

刑錢必覽卷二目錄

武林王又槐蔭庭編輯

廣陵羅允綬荔樵

叅訂

同弟又梧鳳偕

吳興後學陸天墀階平校字

審詳命案

辦理衙署命案

盜案

盜案分別查叅

刑錢必覽

卷二目錄

廣陵羅允綏 蔡訂  
同弟 又梧鳳偕  
吳興後學陸天墀 陸平 陸學

刑錄必覽卷二

廣陵羅允綏 蔡訂

武林王又槐 陸庭編輯

同弟 又梧鳳偕

吳興後學陸天墀 陸平 陸學

審詳命案

一起衅根由須要分明凡鬪毆必因事而起如何相爭的確有憑眾証有據或死者出言觸忤兇犯有不得不爭鬪之勢或揮拳回毆有不得不

格鬪之情兩造供同始為確鑿又必情理通順並不扭捏方無疑實

一傷痕兇杖須要符合人命以屍傷為重如何為手足傷如何為他物傷如何為重為輕洗冤錄內載明遇有檢驗身屍自應將各傷痕顏色分寸逐細驗明追起兇物當場辨別詳查洗冤錄內大槩相符始可定案詳報

一供報受傷處須按其部位驗填與供指合一如受傷係左右胸臑則屍親見証兇犯等皆應供認胸臑令作作指明填報不可以鄉愚不知屍格名目混供左脚右脚致受傷處供驗不符有干駁詰

一分別兇器致傷如刀有刀口刀背鎗有鎗頭鎗柄等類應分辨明白是否與行兇勢力相符比對傷痕一有不合即究問明白不可稍有含混以致駁查

一屍身連受多傷兇犯不能將毆打何處先後下手情形供明者必係亂毆亂砍即聲說亂毆亂砍等字樣至共毆致死之案又須細審當時身死或過後身死何人原謀何人毆何處致命傷何人最後下手逐一聲敘

一屍身連受多傷則兇手亦必有傷否則必有助毆之人細加鞫訊方可定案

一律稱鬪殺必是無心致死與謀故不同方合律

意雖死者傷多似有意毒毆而實無欲殺之心究非故殺故殺無從故殺案內助毆之人亦照餘人定擬如係謀殺謀諸心者非他人所能知亦必有處心積慮陰用機謀非故殺之頓起殺機也若謀諸人必將起意共謀動手許多次第逐一推勘實情不可以累及多人有意開脫致有出入

一律稱戲殺必將堪以殺人之事為戲並無爭競



之心者方是若因戲謔而至爭角或死者先以戲來而兇犯認真並無戲謔情形者乃鬪毆殺非戲殺也倘有幾人相戲以致失誤自戕孽由自作亦非戲殺但同戲之人亦有不合應問不應重杖若舉重試力誤及他人或擲打物件致戕人命應問過失殺當隨事酌之

一未死時呈毆打驗傷者詳內當敘原詞及原驗生前傷痕并所供各詞醫生供結具報身死呈內查敘死之時刻不可忽漏蓋保辜限期所關也

一問兇犯姓名年歲籍貫住處有無祖父母父母若干歲有無兄弟妻子有無喝令主使并助毆之人何人同謀或圖財或戀色或因事忿爭或謀毆洩忿或有意致死平日有無仇隙何人先動手用何器械打傷何處共有幾傷打後幾時身死何人親見曾否勸解器械從何而來當場



比對傷仗相符方可定案

一命案有關服制者當場取家譜查核如無譜者傳集族長人等查訊兇手與被傷之人是何稱呼行輩確係何祖所出是何服制無服者相隔幾代或同姓不宗一一問明繪具宗圖附詳凡盜案及親屬相姦之案有同宗者亦如此辦理

一殺死二命三命之案必問其挾何仇恨有無間

謀下手執何兇器并究問平日曾否行兇殺傷人

一當場落膝初供及帶回署覆審慎勿輕易加刑  
隔別細問務得確情將幾次供詞刪其繁冗去其疑似及一切游移之詞只敘緊要各供入詳  
通報

一金刃傷形狀稍異者應將金刃式樣文內聲明  
以免疑感



一初報只敘屍親報呈一紙其餘投詞訥詞槩不可敘入盜案亦然若不論是非虛實一概全敘上司以獄貴初情日後反致駁詰必費無限洗刷矣故無論何等事件初詳未出卽要打算此案日後如何歸結不致棘手務求妥協而後行則案自易結

一屍親刁告如鬪毆而混稱謀故一兇而混告多人或妄指主使原謀助毆等項臨審反覆指示開導自可輸服如所控屬虛而屍親刁頑不服或將情節刪去又恐上控若牽連入詳又屬繁瑣但虛告必有間可擊如詞供不符情節舛錯之類或傷止一二而混控多人則爲從所毆之傷在何處得間而入自難狡辨加以開導無不輸服然後換具呈詞則案自明淨若逞刁不換則將其無情處於詳內逐一詰明而供內輸服亦可定案矣

一初報文尾聲明兇犯某某收禁餘犯某某分別管押保結兇器縊繩等項貯庫俟上司有一二處批到即可覆審出看定擬將罪名點清如應留養卽於正案內查明與例相符將應待緣由于題本內取結聲敘不必分別應准不准字樣俟秋審時查明該犯父母尚在次丁尚未成立取結報部如不准留養者原題內毋庸聲敘應待緣由其案內有干連人犯監禁或他方身故取結入詳至看內應點明領埋屍棺追給耶物解驗兇器兇犯及徒罪以上之犯俱解審末後扣明例限其犯病公出程限封印接住皆可展扣但公出惟捕蝗勘災監賑勘河防險准扣展其餘槩不准扣程限如百里者准扣二日應追埋葬銀兩之案如無屍屬追銀入官

一凡辦理鬪毆命案或稱死者先罵先打以致兇手回罵回打欲爲兇手開一生路然亦須是實

情如此有等辦案者但知開脫兇手為好事而不顧死者合冤亦非持平之道也又如威逼人命或係死者平日氣大不肯受人挾制更有威逼情狀以致死者忿激自盡此是情理若云死者兇橫生者柔懦無威可畏何由致死欲寬生者之罪而不知案情不合反于駁詰也

一自盡人命屍親不到亦應審詳如屍親後到可續行取供補詳結案又有屍親圖詐挾制故意避匿不到者必訪緝唆訟把持之人可以根尋到案真正命案屍親實在遠出不能即到驗訊明確亦須先行詳報

一自盡病斃等項一經報官務須驗訊明確詳報立案若驗而不報倘屍親日後告發上憲必委員查審或委員復檢雖驗審並無別故已大費周折矣若不驗者毋庸詳報如例載自縊溺水身死別無他故親屬情原安葬官司詳審明白

准告免檢又妄報人命于未驗之先實供求息  
並無別故照不應重律完結之類萬一假裝自  
盡賄囑屍親致被朦混後悔無及又若不驗不  
報或一時貪安或省往來之費用因屍親自認  
並無別故即行歸結倘日後上控發覺既不知  
屍身實在有無傷痕心懷疑懼即驗審無故而  
跋涉費用仍不能免難辭怠惰廢弛之咎若有  
別故則諱命之叅處立至是以自盡病斃等案  
必應相驗又或路過官員病故有親屬同伴者  
可無庸查驗無親屬者應驗明通報聲說看明  
實係病斃字樣不必填格應臨時斟酌不可拘  
泥也

一因事自盡有四自縊溺水服毒自刎內有輕生  
自盡者即加看隨詳議結有威逼致死者須覆  
審再詳若不斟酌案情遽詳請結必干批飭  
一輕生自盡之案雖非威逼可比亦須細審致死

根由要與情理切合勿以小案草草落筆世俗  
遇累之說雖近荒唐然亦有百中之一非盡與  
人爭角起衅也

一自盡命案或有爭角別情應擬答杖者隨詳議  
結不必先報後審

一自盡命案從中調處並無得賄情事照私和公  
事律擬答

一病斃之案相驗必有病容供內亦是有病再加  
切看方可批結

辦理衙署命案

一署內雇工長隨人等如有自盡等項并親戚人等毆死人命及受刑後自盡病故等項事涉嫌疑者當酌看情形或請委別員驗審以免迴護之嫌其書役有犯命案應照例稟請委員相驗

一署內親戚殺人務將兇手拘禁一面稟報本府委員相驗承審以避嫌疑如離府路遠或值熟天不妨自驗聲請委員承審此等意外之事或

值本員公出可免大咎若諱命不報希圖僥倖  
必有後患人命重情日久斷無不破兇犯終不  
能漏網與其事發而受嚴譴不若據實辦理之  
為愈也

一 如本地方人赴上司告書役及書署內人亦應  
批別屬提審以免袒護

盜案

一事主地保報盜印官會同營汛星赴勘驗如印  
官公出不能即回者佐貳官先行會勘一面俟  
印官公回覆核先至事主家看明房屋坐落如  
由船來者看明離水次遠近由牆垣而人者牆  
上磚瓦舊土有無損傷次問各盜如何出入有  
無打毀門戶及遺下器械油捻等項事主有無  
受傷一一驗明并訊地保鄰佑當夜有無見聞

影响曾否救護問事主看見盜犯共有幾人是  
何裝扮是何聲音各執何樣兇器如何搜劫被  
失何贓應令逐一供明另造贓冊文內敘明驗  
看情形及有無行兇并劫去贓數其餘盜數或  
係事主不能認清或懷恨多供幾人俱不可知  
不宜指定以免獲盜時與前供不對反致駁查  
一保甲與事主報盜如係外來地方過客行商失  
事責令歇店船戶脚夫一同呈報印官照例親

往會同營汛勘明訊問保正甲長兩隣更夫人  
等有無見聞影响并事主確供通報細問事主  
上盜情形失去贓物務要真確不使浮開虛捏  
一事主報失時即選差嚴緝懸立賞格一面移關  
隣封營縣并附賞格勒緝贓盜一面開列事由  
具詳督撫徑檄鄰省接壤州縣一体協緝將屆  
疎防限期盜首高線及夥盜尚不獲半即敘明  
初報各批訊供具詳開列印捕各職名加看開



叅將失事之日各官有無帶印公出并失事是  
否在于城內抑係道路村莊及新舊到任各日  
期分晰聲明如失事日該管官因公出境聲明  
免議巡檢典史各就所轄地方開叅被盜處有  
無墩舖防兵相隔幾里查明敘入以便分別議  
處如事主受傷將傷痊緣由疎防文內聲明至  
初叅後盜犯無獲卽以疎防限滿之日起接扣  
年限查叅

一失事之日起扣限四個月題叅疎防無論已未  
獲盜應開具專兼統轄各職名申送務宜預期  
早辦倘有未協可以駁查改正若頂限出詳一經  
駁查必致措手不及矣

一未獲盜時或起有贓物或他處扳出知確盜下  
落星飛擊其父子兄弟妻室監追跟緝獲盜一  
二名起有贓物卽傳事主赴認先訊捕役于何  
村庄州縣鞫獲何盜各盜之供要與捕役相符

具報獲盜文內要叙明驗無私拷傷痕有無刺字曾否銷毀如有刺字須問明前案查敘并取捕役獲盜緣由入詳

一訊明各盜上盜情形嚴究窩家盜線盜首盜夥贓物確數下落務得實情併訊明逸盜年貌住址有無行劫別案將盜犯收禁一面勒緝逸盜一面通報

一獲盜未全者其初報文內口供必須確實則日後續獲之盜以及成招一應情節俱不致互異

續報獲盜文內敘明提同夥犯認識并令各認取遺器械有贓者再敘明事主認贓要與初捉獲盜情節脗合或實係前獲盜犯有孩供不對之處供內質明更正勿致歧異

一既獲確盜應查明各盜子女家產保候封固立案候部覆到日變賣贖贓

一獲盜到案如係自首須查其是否自行投首若  
 係捕役帶來出首例不准首仍將捕役究審其  
 盜犯須先問姓名住址如與事主同姓或係一  
 家繪具宗圖再問捕役于何處如何拏獲有無  
 拷逼如獲有贓物經事主認明盜亦供認方是  
 真贓應訊係何年月日何處何人起意如何糾  
 約同謀行劫何家各又轉糾何人窩家何人通  
 線何日何時在何處會齊起身何時至事主問  
 首各執何器械有無抽捻火把火煤包頭塗面  
 事主家是否孤村有無隣佑如何進屋何人把  
 風瞭望或前門或後門如何打人何人明火何  
 人進劫有無捆縛毆打事主何人入室動手搜  
 贓劫得是何物件何人搬運何人接遞如何出  
 水變贓在何處俵分各人分得若干現在何家  
 藏匿或當賣何處窩家引線有無同行抑止分  
 贓令該犯將白己分得之贓一一供明其他盜

刑例彙編 卷二  
所分之贓不必代供以免舛錯有無行劫別案  
及另有窩夥一一究明贓物如已出賣應問買  
主姓名及賣銀若干是否知情買贓銀錢何在  
各盜及窩家有無同居親屬知情分贓捕保是  
否知情狗縱此盜案不易之審問也至于變化  
無常惟在見景生情耳逐細審明隨卽親自起  
贓或委員起贓并查封家產不可票差捕役致  
有尅留乾沒之患一面錄供通報另造贓冊一

本先敘原贓數次列已起未起如供出別案在  
他州縣者應開查有無報案取事主口供查追  
原贓給領併案審擬如盜案贓跡未明盜供游  
移碍難定案者詳明咨部以十個月完結不准  
監候待質倘贓跡已明供認確鑿案犯雖未全  
獲卽將現犯先審餘犯緝獲另結仍將逸犯詳  
請通緝造具案由年貌冊並送以便分咨各省  
通緝再盜犯有別處身死者應關取確供切結

隨招附送

一盜案情形層次強盜姓名前後俱要照依第一盜犯口供挨次順敘行劫情形必眾口一詞不可錯亂顛倒致難查對此在初報獲盜時即要安排妥當及至成招惟照前順敘但將情節累加詳細耳每見招內有此段情節在前另一人口供忽改在後此段情節在後又一人供內忽然在前至于盜犯姓名忽前忽後顛之倒之總

因不得法也不特盜案如此即人命及各案俱應如此庶可豁人心目

一盜案成招必與疎防一線不可參差互異盜案全招關鍵在各盜到案日期及贓物何處起來係何盜名下之贓出落分明方見眉目

一如有盜首或夥盜在別處獲禁應關訊彼處係何等盜案係彼案何等盜犯總照彙結之例查起贓物事主認領後關查明確首從絕無疑義

詳悉聲明題請即行正法

一盜案內審明被誣之人即行保釋如係別處良人先關回原籍安插將審釋緣由招內聲明其姓名未入詳者即行摘出慎勿牽連入招致無辜拖累

一事主領贓取領狀詳府轉報領狀內寫事由如向不轉送者聲明附卷無家屬之盜犯身故未追贓銀律得免徵可於文內聲明盜犯原籍無

贓可追者取原籍印甘各結用印文申府轉請免追文內應敘出銀錢數目如係本地民人取保隣親族各結粘連用騎縫印如只有一結者於年月上月印不加印結

一免死減等盜犯應裝敘部文造具事由年貌籍貫冊由府請咨發遣文內聲明已未領贓某犯已故已正法字樣

一隣省地方官盤獲別省盜犯均令在於拿獲地

方嚴行監禁訊供移查被盜省分案情贓証確實卽由拿獲省分定擬題請正法仍知照本省如贓迹未明或失事地方有夥盜待質例應以少就多者則遴員帶領兵役押解此定例也但邇來各省辦理獲盜之案有挈獲隣省首夥多盜因獲盜地方離失事之隣省地方路近而距省較遠因其解赴本省而叅革治罪者亦有挈獲本省隣邑之盜卽在拿獲地方審辦者此又

當權衡於道里之遠近臨時斟酌不能拘泥也  
一隣省隣邑脫逃叛犯及克盜邪教并逃旗等類潛匿在境經別邑委員或捕役拿獲須差役協同押解到縣訊供移解作爲協拿稟報 新例須聲明何人首先挈獲勿得以兵役同時協獲捏報邀功

一餉鞘過境並無耽延卽行結報如有延擱應將因何事延擱並無別故緣由具結申報一有失

刑部彙編卷二

事查明大道小路立即勘詳一面訊取護解兵  
役各供查明所失之鞘編列何號起解州縣所  
雇人夫皆有姓名係何夫扛擡訊明中途有無  
頂替情由選差懸賞勒緝并湊解所失銀兩給  
解官前進一面敘文通報如在兩縣交界地方  
失事一面稟報一面會同訊詳扣叅疎防將貪  
差不慎并解官職名開叅如賊無獲將護解  
兵役於疎防限滿後即行擬詳移明本縣發落

賊犯獲日另結

一盜案例應以會否入室搜賍洋案則以會否過  
船搜賍均分別難宥可原

刑部彙編

卷二 盜案

三



盜案分別查察

一劫掠大案自有一定惟臨時行強與竊盜拒捕相似而不同須分晰清楚臨時行強者必係盜所無論已未得財強形顯著始開察疎防臨時拒捕者得財在先拒脫在後若先已竊物打傷事主之後復又乘勢攫賊則是臨時行強非臨時拒捕也又有賊已入手或他賊攜去事主追擒後賊圖脫拒毆固得免察若被事主追逐賊

交他賊出身拒鬪或令接贓之賊先行獨自在後拒毆皆屬護贓不能免叅又有同夥兩三人持杖拒捕似應叅疎防但查乾隆三年河南臬司隋 奏竊盜臨時同夥拒捕有殺傷人者與強盜無異應照承緝強盜案件揭叅疎防等語是原指將來獲賊法應斬首者而言若一人動手而非夥衆或但拒捕而非金刃重傷獲賊之日不過照竊盜臨時拒捕傷非金刃傷輕平復

例擬遣不應叅疎防又一人臨時行強與一人行竊臨時拒捕雖免叅疎防仍按年限扣叅四叅降調與盜案無異必須慎之於始將確切情形洗刷明白方免錯悞嘗查江浙辦理章程每有臨時拒捕之案已屆初叅年限因覆核確切援引例案詳准免叅者共有數案若識力不到將錯就錯一經到部悔無及矣

一蘇臬司楊 議詳竊盜一人臨時拒捕或未離

盜所或已離盜所或護賊格鬪或追逐拒捕或  
臨時金刃致傷事主或追逐拒殺事主或已離  
盜所並未得財或已棄財並非護賊格鬪種種  
情形不一罪亦輕重懸殊各屬辦理此等案件  
多有互異請立定章程通飭遵照

一 人行竊臨時拒捕殺人與一人行竊臨時行強  
之案

一 人行竊事主追逐被賊拒傷身死之案

一 竊盜一人臨時拒捕未離盜所及已離盜所護  
賊格鬪或追逐圖脫拒捕係金刃致傷事主之  
案

此三條均免叅疎防俟一年限滿照盜案例將專

兼統轄各職名詳奏

一 人行竊被事主追逐圖脫拒捕已離盜所或未  
得財或已棄財並無護賊格鬪情形而傷非金  
刃及傷輕平復罪擬軍流以下之案

此條除照例免叅疎防并免扣叅年限 乾隆三

十二年二月

蘇撫院明 批行各屬嗣後凡有應叅疎防及母庸題叅如限滿不獲照例叅處並追逐拒捕既非臨時夥眾及傷非金刃毋庸扣叅者俱查明

定例辦理

一浙臬司德 議詳竊盜拒捕應叅疎防者係專指夥眾十人以上及臨時同夥拒捕殺傷人者

而言其事主知覺棄財逃走因事主追逐而拒捕者原不在查叅之例蓋臨時拒捕是格鬪以圖財而追逐拒捕乃情急以求脫其情罪迥殊故辦理亦各異也但追逐拒捕其中情形不一有未經得財亦有已經得財者各屬每有拘泥律文棄財字樣遂謂既已得財並未棄還即屬臨時拒捕殊不知律文棄財字樣原以其賍現在手不即棄還跡近護賍格鬪故特明著其文

若究明所得之贓先已藏匿別處不及棄還或先經夥賊携去無贓可棄一聞事主知覺卽畏懼奔逃本無格鬪之心因被追逐不得不拒實無護贓之念此則情急求脫與棄財者何異歷考成案類此情形皆以罪人拒捕科罪豈得與臨時拒捕同論且律載臨時拒捕殺傷人者皆斬註云得財不得財皆斬須看臨時二字是律意所重者全在是否臨時不在於得財不得財

今旣云逃去又云追逐則已離盜所卽非臨時若因其先已得財將情急求脫之案與護贓格鬪者一例查叅則竟漫無區別與律義未符請嗣後除竊盜十人以上并臨時同夥拒捕及白晝夥衆搶奪殺傷人者俱照例叅疎防其追逐拒捕殺傷人者果係護贓格鬪與臨時拒捕無異亦查叅疎防外其餘概免查叅再查例內所謂臨時同夥拒捕者原指同夥在場肆行拒捕

者而言蓋藉勢行兇強形顯著是以應照強盜  
例一體查叅若拒捕之時夥犯先已奔逸並未  
同拒亦未在场則係一人拒捕此正與一人行  
劫者情事相同似亦應免叅疎防以符例義至  
歸安縣汪汝龍呈報失竊被賊拒傷一案據稱  
追至河干賊已下船無賊可棄但是否情急求  
脫抑係護贓格傷尙未取有賊犯確供應俟訊  
明覆到另行核辦等因

一聞浙督院喀 批飭詳內數人行竊一人拒捕  
及追至河干無賊可棄二條分晰尙未確切如  
夥賊先已奔逸一賊落後被追情急拒脫謂之  
一人拒捕宜也若夥盜搬贓先行一人在後抵  
禦是較一人行劫已多搬贓之夥賊矣又如追  
至河干船已開行方是無賊可棄若贓現在船  
邊兇拒脫開船而去與護贓格鬪何所分別浙  
屬類此依附開脫兇賊莫免處分之案指不勝



屈更當詳慎分別杜絕援引規避之端并卽再  
爲分晰確議並詳察奪等因

一浙臬司台 覆查律載竊盜臨時拒捕及殺傷  
人者皆斬得財不得財皆斬須看臨時二字共  
盜之人不會助力不知拒捕殺傷人者止依竊  
盜論其竊盜事主知覺棄財逃走事主追逐因  
而拒捕者自依罪人拒捕律科罪又例載竊盜  
臨時同夥拒捕殺傷人者揭叅疎防又一人行

劫與一人行竊臨時行強之案仍照舊例毋庸  
題叅疎防各等語是竊盜臨時拒捕止係一人  
而非同夥有同夥而非臨時雖臨時而同夥不  
會助力者皆不在查叅疎防之列如拒捕之時  
夥賊搬贓先行一人在後抵拒雖較一人行劫  
已多搬贓之夥賊但夥賊並未在場助力實止  
一人臨時拒捕正與一人行劫免叅疎防之例  
相符應請仍照前司原議免其查叅至事主追

至河干其贓已運在船遑兇拒脫開船而去其  
跡雖似護贓但事主追至河干已離盜所則非  
臨時可比且既已逃走因被追及而拒其意究  
在圖脫又贓不在手無贓可棄向來獲賊俱依  
罪人拒捕律科罪似亦未便照臨時拒捕例一  
體查叅總之臨時拒捕是格鬪以圖財而追逐  
拒捕乃情急以求脫從前律註詮釋律義最爲  
明晰又查乾隆二年刑部議覆直省郭亮之等

案內稱不畏事主不走而挺身格鬪以圖財其  
情強方爲臨時拒捕畏事主逃走而拒脫原無  
格鬪之心雖傷人亦宜斷以罪人拒捕等情又  
乾隆十三年刑部議覆貴省張槐行竊拒捕一  
案以張槐當事主驚覺聲喊卽行奔逸並無挺  
身格鬪情形其所竊之贓已爲杜友亮挑負先  
逃張槐於被迫時無財可棄拒捕時無贓可護  
是該犯止係求脫並非護贓自應以追逐拒捕



定擬指駁又乾隆十八年刑部議覆雲省馬得保行竊拒捕一案以馬得保竊得唐會臣褂褲已交駁賊携去復自進房竊取其箱事主驚喊馬得保卽轉身外跑被唐會臣追及抱住不放情急圖脫拔取小刀戳傷唐會臣肘等處殞命是馬得保聞喊業已棄財逃走其拒捕戳傷事主實係被擒求脫所致並無護贓格鬪情形按情引律罪止斬候等因指駁各在案今本司

詳繹律義叅以成案似前議各條均屬相符合應請仍照議通飭各屬畫一遵辦等因乾隆二十一年 兩院批准通行

一浙臬司台 詳歸安縣蔡百梁等行竊事主俞鄰長家臨時行強一案其起意糾夥止圖行竊因事主驚覺用繩細縛復又攫取多贓顯係臨時行強而非護贓拒捕似無疑義本司再查竊盜臨時行強案件如全獲盜犯或獲盜過半兼

獲盜首訊無窩線者例得免叅疎防至竊盜臨時拒捕之案惟獲有首犯下手兇賊方准免叅若爲首及下手兇賊未獲則餘犯雖已盡獲仍應開叅是例內應免應叅各有不同但臨時行強與臨時拒捕同有強形易於淆混全在究明攫贓之先後爲斷如於事主知覺之後復敢公然一取其財斯謂臨時行強此卽律內所載公取是也若於攫贓之後事主知覺向捕始行抗

拒是乃護贓拒捕非臨時行強也今各屬遇有此等案件所報情形率屬模糊其攫贓之先後總不查訊明白於臨限之時率請免叅一經駁查卽已逾限實爲玩愒查乾隆十三年四月內吏部議覆江蘇翁臬司條奏內開疎防四月限期以巡撫具題之日爲止不便希以四月之限悉歸州縣啟屬員寬縱之習等語是疎防雖有四月限期州縣原應早爲出詳扣留院司詳題

地步請嗣後各屬凡遇盜案以及竊盜臨時行強臨時拒捕暨搶奪殺傷人等案務於初報文內備敘勘訊確切情形卽於文尾開敘印捕各官職名并是否巡檢管轄有無墩舖相隔幾里各官有無帶印公出逐一聲敘通報該府於初報文到之日卽將府廳各職名并將是否同城有無帶印公出逐一聲明具文報明院司各道于初報文到之日亦卽開敘統轄職名并聲明

有無帶印公出先期移司如有情形未確奉批駁查該府州縣總須於半月內查明覆司察核應免叅者卽行轉詳免叅如應轉叅者存俟屆期如無報獲卽徑行詳叅倘或臨限已經獲盜該州縣卽行訊明切實情形獲盜確數及有無窩線錄供脩文揣差馳投以憑添敘入詳如已具題卽將限內獲盜緣由轉請咨部免議等因  
乾隆二十一年十一月 兩院批准通行

一凡盜案四叅限滿無獲出揭請叅時須將有無  
加級紀錄查明有則造冊附申無則文內聲明  
其徵員無級可降者可于四叅文內敘其居官  
如何緝兇四叅亦同

